

甌北詩話

說
文
解
字

甌北集卷三

起壬申九月
至乙亥四月

陽湖

趙翼

耘菘

壬申下第作

倦游情緒峭寒天人海喧中黯自憐漫擬穿楊憑一箭
又須刻楮費三年達磨向壁空參佛子晉吹笙已得仙
我豈不知歸去好將行又計買山錢

身本高陽一酒徒無端托業忝爲儒舉場我歎魚緣木

敗卷人嗤鬼畫符

三字見元
道山詩

羞學空函書咄咄共誰擊缶

和鳴鳴祇應白髮高堂夢猶問泥金信到無

也知得失一鴻毛舍此將何術收操親老河難人壽俟
時清星敢少微高長鳴棧馬還思豆未解庖牛忍善刀

回首短檠殘炷在搬薑自笑鼠徒勞

閉門仍與一編親肯便干時踏軟塵鑄硯終看穿硯日
拆橋多是過橋人關河倦羽三更鴈風雪寒衣百結鶉
笑看禰衡名刺在已經磨滅字都湮

送內弟劉敬輿之官閩中

天上除書墨未乾早聞竹馬迓雕鞍青燈債了經生業
黃綬班榮進士官翠髻梳雲山九曲畫眉啼雨樹千盤
最欣持節堪迎養佳味先嘗荔子丹

送汪頴思成進士南歸

兩載情同鉅蜃親離筵忽漫淚沾巾那堪落第看登第
况是羈人送去人藜火未分中秘夜綠衣且慰北堂春

獨慚倦羽難仙去猶舐餘丹傍路塵

名園同托一枝棲亞字闌干俯碧溪片席豈分牀上下
三間恰似廨東西景堪作畫煩癡顧交已忘形恕懶稽
遊跡他年應不忘詩筒棋局綠楊隄

寄懷杏川白峯諸同人

賣賦長安歲幾更滯留猶目守寒檠竿頭步進無多子
飯顆吟催太瘦生離岫雲憐何處宿出山泉憶舊時清
一尊旅館懷人夕淒斷西風落葉聲

戲題魁星像

是何猙獰鬼戴斗曷鼻魑顏貌粗醜云是星精主文衡
藥榜榮名在其手黃金點目儼方相牛頭夜叉舞跳跟

市頭忽逢白日鬼

三字見劉琰服日記及田汝成委恭叢談

陣上突出黑面王似此

險怪倘操鑒寧免軋茁灾詞章我聞奎爲文昌宿一十

六星光彩秀昔時五緯聚此躔肇啓道學朗如晝不知

何年訛爲魁奉之不異瞻三台東坡死後作魁宿道家

幻語誰見來古人字以象形起今反就字求形似遂令

點頭朱衣人抹粉塗丹作魑魅初從邨夫子塾中伴食

梓潼居配位可憐如今士大夫亦復乞禱供去清閨母

怪亭林老人笑科目人皆不識字

野菊

多少秋芳入貴家獨餘籬落幾寒葩對君莫訝相憐甚

同是無人賞鑒花

哭杭廷宣之訃

斯人遂已貉邱藏落月猶看滿屋梁與我丹雘深結契
欠君白馬遠奔喪十年遊跡龐家塚千里傷心子敬牀
目斷長空爲位哭淚痕如雨下淋浪

一卷丹鉛靜下帷蕭齋自課過嚴師豈知文字能工日
卽是心肝盡嘔時君以心痛卒錦帶未更居士服衰衣翻累老

親披更憐身後無髻齒手澤遺書付阿誰

河梁送我峭帆輕一別俄驚幾載更久客不歸無異死
故人入夢尙如生過車三步他年痛許劒千金舊日情
身計定知君不含忍辭殘局爲收枰

入境廬詩爲蓬洲同年作

吾友少年不得意家破身如舟不繫一年三徙無寧居
賤僦茅齋鄰馬肆旁觀方代窮途悲君獨胡爲面猶昨
今看自名其廬曰入境乃知雅志早與古人契大凡好
醜無定形各隨意境易位置華堂或同桎梏拘窮巷或
抵林亭遂佛言淨土卽心是心淨能消土垢臙陶輪擲
過恒河沙芥孔納得須彌翠丈夫未獲嘘雲吸雨奮九
霄暫且泥蟠守衡泌橫門兩板屋數間依然不遠人間
世豈必南山南北山北鑿空逃虛托孤寄庾桑避喧去
畏壘毋乃猶爲境所累何如賣卜嚴君平市上垂簾自
清悶君今賃廡馳道旁車馬轟闐響如沸廬中趺坐方
晏如掃室焚香靜無事萬人如海一身藏千載陶廬此

其二而我勸君勿徒爾君本名家推令器豈宜托跡隱
淪高正可將身喧寂試養成膽力久堅定盤錯中好抒
幹濟漫山戰鼓不移牀破柱疾雷弗喪七回首塵囂舊
草堂此是生平鍊心地

寒夜澄懷園步月

幽人夜吟一燈擁明月來窺入窗孔清景撩人眠不得
起步空林力賈勇流漸已涸澤腹枵殘雪未消山背腫
萬株枯樹無一葉似鳥畏寒翻去翫濕衣無聲霜華下
暗結冰稜磴滑踵此時世人盡酣睡蒙被家家繭裏蛹
清寒只我與嫦娥天上人間兩不憎興來登山發長嘯
喝退浮雲不敢湧林魑亦駭此狂生潛伏深叢盡驚恐

惜無人送半臂來不覺驪仙兩肩聳歸到虛堂清不寐
坐看庭階尙潑汞

集益齋卽事戲呈休寧座主

名園頻歲借居停韋杜天邊處土星青愛草痕簾不捲
香畱花氣戶常扃臨池閒寫來禽帖插架兼翻相鶴經
一笑主人常保直讓儂占作草元亭

退直歸來雅興賒閒商文史浩無涯公於此已肱三折
我愧才非手八叉幸有津梁先路導何煩絲竹後堂譁
步趨宛憶童時景書館從師侍絳紗

消夏絕句

名園長夏景清和借與幽人領畧多絕似溫公洛陽墅

爲堯夫結一行窩

蕩漾中流一釣船
團蕉趺坐晚涼天
兩頭略不施篙櫓
付與風吹到岸邊

北地難逢竹箭蒼
短籬喜報茁新篁
謝家庭下孫枝發
幾日驚看似我長

小雨如酥過曉風
幾枝豔發映簾櫳
女郎愛插花盈髻
試手先探月月紅

紫甚離離一樹桑
清晨掇盡露華香
一枝最遠無人採
畱與黃鸝作晚糧

棐几蕭閒午睡餘
臨窗自寫硬黃書
盆池忽漫一聲響
閃出一條金鯽魚

山如屏幃水如羅想見黃金布地多一片盤陀盈丈石
當年曾費萬牛拖

月淨波澄夜沈寥誰家吹出一枝簫聽他入破悠揚處
葉葉風荷欲動搖

一榻花陰對綠洞茶烟香篆互縈回蕭齋四面皆窗戶
何處風來何處開

一編閒讀首楞嚴後夜雞鳴靜諦拈香罷經聲歇禪榻
諸天細雨正廉纖

時晴齋與王穀原舍人小飲

西窗剪燭月痕斜旅邸相依感髣髴華倦後客懷叢桂樹

瘦來人似老梅花才名競欲招東閣

先客梁鄉林家宰第
今客汪松泉司空第

狂態

兼愁溺正衙且莫臨觴悲晚晚千秋著述已成家

題汪用明風樹吟秋圖

一幅空林蕭槭聲畫師工寫廢莪情秋風吹老干紅葉
都是臯魚血染戎

負米空懷寸草酬蕭齋落木伴人愁生來未識春暉暖

忍聽秋聲不淚流

君生未一月我母

題董石芝印譜

古時摹印尙繆篆後世兼用籀與斯或云繆法本方正
旁參雜篆殊非宜此論太拘吾不取但合於古皆可爲
玉筍金刀旣鬱律懸針倒薤亦崛奇自從隸楷趨便易
斯道漸廢習者稀間有嗜學講倉雅祇憑訓詁增枝辭

犇以三牛麤三鹿滑乃水骨波水皮王氏字說實禍始
妄逞臆見徒支離誰能遠溯金石刻摹取神理心手追
遼陽董生有篆癖凡將爰歷恣檢披壯夫不羞雕蟲技
直以頑石爲肝脾囊攜百錢入小市雞鳴而起何孳孳
收得爛銅章數片歸來把玩忘調飢以之能事擅殊絕
一枝鐵筆名京師生平妙製一千五彙成巨譜索我詩
我不工書鬼掣肘就中原委粗能知昔人私印多白鑄
次或碾玉窯燒瓷刷花乳石起王冕磨礮梳剔功易施
遂令鐫鏤徧天下爭新鼻紐盤蛟螭朱文彷彿唐白文漢
四字成偶三字奇要惟博覽古遺跡乃拔流俗無凡姿
陽冰坐臥碧落觀率更摩挲索靖碑由來師法有獨得

不與人世同妍媸
董生勉乎園勿窺
九折臂始稱良醫
試更搜訪累渤碣
兼復稽討商周彝
父已祖丁辨荒忽
那湫詎楚窮毫釐
螭匾整長體各異
魚頭烏頤勢不羈
吾知技益入神妙
必傳於後當無疑

和沈倬其同年看花絕句

勸門霜冷見春遲
吹透東風了不知
忽漫一枝紅杏出
累入牆外立多時

髻絲禪榻度年華
倦客齋如老衲家
堪笑風情工幻語
誑他窮眼說看花

考授中書舍人遂罷官學教習

浪遊所急升斗祿
官學濫竽充教讀
期滿例得邑令去

足爲老親給饘粥無端又羨鳳池棲一試輒如貫革鏃
無官今轉嫌官多一身兩岐進退谷明知出宰可救貧
尙須三載入除日京官雖無專城榮選期已逼蠶上簇
遂辭花縣就薇垣寧舍巧遲取拙速座中有客私相尤
窮人只向窮路逐徒慕虛名失厚實他日應悔中書禿
伊余自揣良已審腐儒那任作民牧直廬珥筆文字供
頗似車輕就路熟寒酸腸久甘藜藿疎懶身難試案牘
好官樂在多得錢書生相本無食肉非命所有強致之
利之所在害卽伏殺牛或轉不如禰失馬安知未爲福
京官儉則償清閒外吏豐則任勞碌稱物平施本天道
傳之翼者兩其足君不見腰纏騎鶴特寓言束食那能

更西宿

南歸

六年爲客住京畿
潞水西風一櫂歸
笑比鷓鴣啼怕冷
秋涼時節正南飛

苦爲求名久滯留
頻年拋却故園秋
一官到手忙歸去
大有人嗤楚沐猴

纔上歸舟宿潞河
早聞水調滿船多
不堪暮雨吳娘曲
還唱天涯蕩子歌

到底吳儂愛坐船
棧車策蹇已年年
一聲柔櫓咿啞響
忽似鄉音到耳邊

德州南有地名夾馬營
查初白詩謂卽宋祖所生